



Mješoviti Holding „ERS“
MP a.d. Trebinje
ZP „Hidroelektrane na Drini“ a.d.
Višegrad

**Odluka
Uprave Preduzeća**

UPRAVA PREDUZEĆA

Broj: UP-07-10/18

Datum: 16.02.2018. godine

Na osnovu člana 69. stav (1) pod b) i člana 70. stav (4) Zakona o javnim nabavkama Bosne i Hercegovine („Službeni glasnik BiH“, broj: 39/14), člana 55. stav (1) pod b) Pravilnika o javnim nabavkama ZP „Hidroelektrane na Drini“ a.d. Višegrad, broj: UP-09-16/16 od 16.03.2016. godine i člana 57. i 100. Statuta MH „ERS“ MP a.d. Trebinje - ZP „Hidroelektrane na Drini“ a.d. Višegrad, postupajući po Rješenju Kancelarije za razmatranje žalbi Filijala Banja Luka, broj: JN2-02-07-1-1-10/18 od 08.02.2018. godine, u predmetu nabavke roba – „Toneri, kertridži i riboni“ provedenog putem otvorenog postupka, Uprava MH „ERS“ MP a.d. Trebinje - ZP „Hidroelektrane na Drini“ a.d. Višegrad, na sedmoj sjednici, održanoj dana 16.02.2018. godine, donosi

**ODLUKU
o poništenju postupka javne nabavke**

Član 1.

Konstatuje se da je Kancelarija za razmatranje žalbi, Filijala Banja Luka povodom žalbe ponuđača „Deffer“ d.o.o. Sarajevo od 20.12.2017. godine u predmetu javne nabavke roba - „Toneri, kertridži i riboni“ donijela Rješenje broj: JN2-02-07-1-1-10/18 od 08.02.2018. godine kojim se žalba istog usvaja.

Član 2.

Postupak javne nabavke roba – „Toneri, kertridži i riboni“ se, u skladu sa članom 69. stav (1) pod b) Zakona o javnim nabavkama BiH („Službeni glasnik BiH“, broj: 39/14) i članom 55. stav (1) pod b) Pravilnika o javnim nabavkama ZP „Hidroelektrane na Drini“ a.d. Višegrad, broj: UP-09-16/16 od 16.03.2016. godine, poništava.

Član 3.

Postupak javne nabavke će se ponoviti u zakonski predviđenom roku.

Član 4.

Za izvršenje ove Odluke zadužuju se i ovlašćuju Služba za komercijalne poslove i Uprava Zavisnog preduzeća.

Član 5.

Ova Odluka objaviće se na web – stranici Preduzeća, shodno članu 70. stav (6) Zakona o javnim nabavkama BiH i članu 85. stav 6. Pravilnika o javnim nabavkama.

Član 6.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH i članu 85. stav (7) Pravilnika o javnim nabavkama..



Mješoviti Holding „ERS“
MP a.d. Trebinje
ZP „Hidroelektrane na Drini“ a.d
Višegrad

**Odluka
Uprave Preduzeća**

Obrazloženje

Ugovorni organ Zavisno preduzeće „Hidroelektrane na Drini“ a.d Višegrad je, objavilo Obavještenje o nabavci, broj: 1171-1-1-436-3-62/17, na Portalu javnih nabavki Bosne i Hercegovine, dana, 15.12.2017. godine, u postupku javne nabavke roba – „Toneri, kertridži i riboni“.

Procijenjena vrijednost javne nabavke bez PDV-a je 70.000,00 KM bez PDV-a, nabavka se provodi putem otvorenog postupka, a kriterij za dodjelu ugovora je ekonomski najpovoljnija ponuda.

U toku postupka nabavke roba – „Toneri, kertridži i riboni“, od ponuđača „Defter“ d.o.o. Sarajevo je, putem advokata Sanela Nezirića iz Sarajeva (Punomoć od 30.06.2017. godine), dana 25.12.2017. godine zaprimljena žalba od 20.12.2017. godine, na Tendersku dokumentaciju, broj:04-02-1388/17.

Nakon razmatranja žalbe, Služba za komercijalne poslove je Upravi podnijela Izjašnjenje po žalbi kandidata/ponuđača broj:04-02-1388-2/17 od 29.12.2017. godine, sa obrazloženjima osnovanosti, odnosno neosnovanosti žalbenih navoda.

Naime, žalilac „DEFTER“ d.o.o. iz Sarajeva je izjavio žalbu na tendersku dokumentaciju, broj: 04-02-1388/17 za nabavku „Tonera, kertridža i ribona“ tvrdeći da ista nije sastavljena u skladu sa zakonskim propisima, tačnije, nije u skladu sa Zakonom o javnim nabavkama Bosne i Hercegovine iz sljedećih razloga:

Žalbeni navod:

„Ugovorni organ je sačinio tendersku dokumentaciju u suprotnosti sa odredbama ZJN. Naime, u tački 7.1. tenderske dokumentacije, ugovorni organ između ostalog navodi kako svi toneri, kertridži i riboni moraju biti originalni, što se prilikom isporuke dokazuje tehničkim listom proizvođača za svaki isporučeni artikal, te da ponuđač koji nudi ekvivalentne robe je dužan za svaki model tonera i kertridža dostaviti certifikat o ispunjenju odgovarajućih standarda i broja odštampanih stranica, a koji certifikati se moraju odnositi isključivo na pojedinačno ponuđeni ekvivalentni toner i kertridž. Dakle, za svaki je potreban pojedinačan certifikat. Ovakav zahtjev Ugovornog organa je neprihvatljiv, i suprotan načelu nediskriminacije te jednakog tretmana, te ne osigurava aktivnu konkurenciju.

Prije svega, originalni toneri nije formulacija koja je jasna i transparentna, odnosno nije jasno svim ponuđačima šta se smatra pod originalnim tonerom. Ugovorni organ je bio u obavezi sačiniti tendersku dokumentaciju na način da ista bude transparentna, jasna i da osigurava aktivnu konkurenciju. S tim u vezi, nezakonit je dio tenderske dokumentacije u dijelu kojim Ugovorni organ zahtjeva isporuku originalnih tonera.

U dijelu tenderske dokumentacije gdje se u svrhu dokazivanja ekvivalentnosti traži od potencijalnih ponuđača da dostave certifikate za svaki pojedinačni ponuđeni toner, certifikati se izdaju na proizvođačev brend potrošnog materijala, a ne na pojedinačne tonere. Za pojedinačne tonere u sklopu brenda proizvođača može da izda tehnički list proizvoda.

Dakle, neprihvatljiv je zahtjev ugovornog organa za dostavljanje certifikata za svaki pojedinačni toner, s obzirom da se isti dostavljaju samo za određeni brend proizvoda.

Stoga, ponuđač „DEFTER“ d.o.o. Sarajevo, smatra da je tenderska dokumentacija u navedenom dijelu nezakonita, pa predlažemo da Ugovorni odrgan usvoji ovu žalbu, te izmjeni navedeni dio tenderske dokumentacije, te nadoknadi žalitelju troškove za sastav ove žalbe“.



Mješoviti Holding „ERS“
MP a.d. Trebinje
ZP „Hidroelektrane na Drini“ a.d
Višegrad

**Odluka
Uprave Preduzeća**

Odgovor na žalbeni navod:

Žalilac u svojoj žalbi navodi: „Ugovorni organ je sačinio tendersku dokumentaciju u suprotnosti sa odredbama Zakona o javnim nabavkama“, ali žalilac ne navodi sa kojim članovima Zakona o javnim nabavkama je tenderska dokumentacija u suprotnosti.

Ugovorni organ je Tendersku dokumentaciju izradio na osnovu Zakona o javnim nabavkama Bosne i Hercegovine („Službeni glasnik BiH“ br. 49/14), Uputstvom za pripremu modela tenderske dokumentacije i ponuda („Službeni glasnik BiH“ 90/14 i podzakonskim aktima koji su doneseni u skladu sa Zakonom. Ugovorni organ je u skladu sa članom 53. ZJN BiH i članom 3. Uputstva za pripremu modela tenderske dokumentacije i ponuda izradio tendersku dokumentaciju koja sadrži sve potrebne podatke i informacije koje svakom privrednom subjektu omogućavaju izradu ponude.

U tački 1.7. tenderske dokumentacije - opis predmeta nabavke propisano je da ponuđači koji nude ekvivalent trebaju za svaki model tonera i kertridža dostaviti certifikat o ispunjenju odgovarajućih standarda i broja odštampanih stranica u skladu sa standardima: ISO/IEC 19752, ISO/IEC 24711 i ISO/IEC 19798, te navedeno da se neće prihvatiti generalni certifikati koje se odnose na poslovanje proizvođača navedenih roba, koji nisu vezani za konkretan proizvod. Radi pojašnjenja: ekvivalentni toneri i kertridži su novoproduzveni, fabrički zapakovani, jednako vrijedni toneri i kertridži proizvedeni od strane nezavisnog proizvođača tonera i kertridža.

Što se tiče zahtjeva za dostavljanje certifikata za zamjenske/ekvivalentne tonere i kertridže o ispunjenju odgovarajućih standarda i broja odštampanih strana, skrećemo pažnju da navedeni certifikati i standardi nisu traženi u okviru kvalifikacionih uslova, već isključivo kao dokaz ekvivalentnosti u slučaju nuđenja ekvivalentnih tonera i kertridža, što nije u suprotnosti sa Zakonom, niti je diskriminatorno. Navedeni certifikati i standardi su propisani kao dokaz ili mjerilo ekvivalentnosti što je zakonsko pravo ugovornog organa, jer je teret dokazivanja jednakovrijednosti isključivo u slučaju nuđenja ekvivalentnih tonera i kertridža, a nikako se ne odnose na nuđenje originalne robe/tonera.

Proizvođači tonera i kertridža koriste svoje metode za procjenu koliko stranica može odštampati njihov toner i kertridž, koji su bili problem za kupce za poređenje konkurentnih proizvoda. Zato je Međunarodna organizacija za standardizaciju (ISO) u 2004. godini u saradnji sa Međunarodnom elektrotehničkom komisijom (IEC) objavila standard prinosa za crno-bijeli toner (ISO/IEC 19752), inkjet kertridž (ISO/IEC 24711) i toner u boji (ISO/IEC 19798) na osnovu kojih kupci mogu na precizan način uporediti proizvode od različitih proizvođača tonera.

Takođe, napominjemo da je članom 54. stav 2. Zakona o javnim nabavkama Bosne i Hercegovine dozvoljeno pozivanje na međunarodne standarde prilikom izrade tehničkih specifikacija. Dokaz o ekvivalentnosti u smislu ispunjavanja zahtjeva u vezi sa predmetom nabavke dužan je osigurati ponuđač u skladu sa zahtjevima definisanim u tenderskoj dokumentaciji, pa je ugovorni organ propisao uslove u tenderskoj dokumentaciji te naveo dokeze potrebne za ispunjavanje uslova u vidu navedenih certifikata.

Navedenim certifikatom ponuđača dokazuje da je ponuđena roba ekvivalentna originalu po svim karakteristikama, a u Aneksu broj 5. tenderske dokumentacije - Obrazac za cijenu ponude ostavljena je rubrika koju ponuđači koji nudi ekvivalent treba da popune.



Mješoviti Holding „ERS“
MP a.d. Trebinje
ZP „Hidroelektrane na Drini“ a.d
Višegrad

**Odluka
Uprave Preduzeća**

U postupku po Izvještaju Komisije od 29.12.2017. godine, Ugovorni organ, odnosno Uprava Preduzeća je utvrdila da je žalba blagovremena, dopuštena i izjavljena od strane ovlaštenog lica, ali da su žalbeni navodi neosnovani.

Postupajući po žalbi ponuđača „DEFTER“ d.o.o. iz Sarajeva, na tendersku dokumentaciju, broj: 04-02-1388/17 za nabavku „Tонера, kertridža i ribona“, razmotreni su svi navodi iz žalbe, izvršen je uvid u kompletnu tendersku dokumentaciju, te je izvršena analiza svakog zahtjeva i dokaza pojedinačno i u njihovoj međusobnoj vezi, a sve u odnosu na navode iz žalbe i propisani zakonski postupak, te je utvrđeno da su žalbeni navodi neosnovani i da se u skladu sa članom 100. stav 5. ZJN žalba i cjelokupna dokumentacija proslijedi Kancelariji za razmatranje žalbi, te da se postupak nabavke obustavi do konačne odluke Kancelarije.

Kancelarija za razmatranje žalbi, Filijala Banja Luka rješavajući po žalbi ponuđača „Defter“ d.o.o. Sarajevo, izjavljenu na Tendersku dokumentaciju broj:35-O/17 je donijela Rješenje broj:JN2-02-07-1-1-10/18 od 08.02.2018. godine, a koje je Ugovorni organ zaprimio dana 12.02.2018. godine, kojim se usvaja žalba istog, te da se poništava Tenderska dokumentacija, broj:35-O/17.

U skladu sa gore navedenim, primjenom člana 69. stav (1) pod b) Zakona o javnim nabavkama BiH („Službeni glasnik BiH“, broj: 39/14), člana 55. stav (1) pod b) Pravilnika o javnim nabavkama ZP „Hidroelektrane na Drini“ a.d. Višegrad, broj: UP-09-16/16 od 16.03.2016. godine, te člana 57. Statuta Zavisnog preduzeća, odlučeno je kao u dispozitivu.

Za Upravu:
Direktor,

Nedeljko Perišić, dipl. ek.

Dostaviti:

- Upravi,
- Službi za komercijalne poslove x2,
- Podnosiocu žalbe i
- Arhivi.